

AD PHILIPPVM  
MAXIMVM HISPANIA-  
RVM REGEM.

L. ANDREÆ RESENDII  
LVSITANI.

Ad maturandam aduersus rebelleis  
Mauros expeditionem,  
cohortatio.



PHILIPPO, HISPANIA  
rum regi maximo.

Forſitan arguerit quiſquam hoc,exceſſe Philippe,  
Quod pede me modulôq; meo non metiar,auſus  
Muſa inopi pulſare tui ſaſtigia ſumma  
Culminis,ignotus tibi,nec de ſorte tuorum.  
Si tamen expendas animo rem preſſius,atq;  
Maternam gentem,& conſanguinitate propinquos  
Luſiadum reges,iam non alienus habebor,  
Quantum quumq; rudis vates,& acuminis exſors,  
Nec terſo eloquio,numeris nec molliter inter  
Seſe connexis.Quod non admitto grauate.  
Non externum igitur,licet ignotum hæctenus,audi,  
Si nec inutiliter te compellaro,nec aureis  
Non opportunis tibi nunc onerauero dictis.  
Reſ à te geſtas præclare,& bella ſub Arcto  
Continuata diu gelida,Gallôſq; feroces  
Fortiter,êq; tua retro ditione repulſos,  
Belgarúm q; graueis de religione tumultus  
Marte & conſilio exſtinctos,domitám q; ſuperbæ  
Perfidiam ſectæ,punitaq; crimina digno  
Supplicio,iuſtâ q; nefas mercede piatum,  
Et memini,& ſeclis mandabit fama futuris.  
Sunt hæc magna quidem,ſedenim maiora ſuperſunt,  
Quæ niſi perficias,minuiſſe videbere prima.  
Treiſ ſi contentus bene digeſſiſſe poëta,  
Inde remiſſo animo quartum dormitet ad actum,  
Fautricis caueæ murmur,plauſúm q; theatri  
Exſpectet fruſtra,fruſtra, Vos plaudite,cantor

AD SEBASTIANVM EX-  
cellsum Lusitaniæ regem,  
epigramma.

**Q** Væ sublimipetas frustrata est ardea nuper  
Accipitres iterum rex animose tuos,  
Victa dedit pœnas hodie, necq; celsa volatu  
Nubila præsidio iam fuit ille supra.  
Vnguibus hamatis pectus laniata, deorsum  
Cum clangore tuos corruit ante pedes.  
Aucupij euentum rear hoc, casum ve, futuri  
An magis augurium? credo equidem augurium.  
Præpetibus nisi nulla fides, his, bella gerenda  
Credimus auspicio significata tuo.  
Quæ mandata tuis ducibus si forte moratus  
Aut semel, aut iterum barbarus hostis erit,  
Astra licet iactet, quibus euenisse putetur  
Isthæc vincendi quantula quumq; mora,  
Non tamen est semper fortunam habiturus eandem  
Quin cadat, ac subdat colla superba iugo.  
Id, tua quum superis iam sit victoria curæ,  
Deiecta è cælo præmonet ardeola.

Maiestatis tuæ cliens.

Resendius.

PERMISSV & AVCTORITATE  
Dominorum inquisitorum.

EBORÆ.  
Excudebat Andreas Bur-  
gius Typographus.  
Mense Martio

M.D.LXX.

